



## XALQ DEPUTATLARI KARMANA TUMANI KENGASHINING QARORI

2024-yil 28-iyun

VI-82-81-5-71-K/24

Karmana tumani

### O'zbekiston Respublikasi Vazirlar Mahkamasining 2024-yil 9-fevraldagi 79-sonli qarori ijrosini ta'minlash to'g'risida

O'zbekiston Respublikasi Prezidentining 2024-yil 5-yanvardagi "Quyi bo'g'inda suv resurslarini boshqarish tizimini takomillashtirish hamda suv resurslaridan foydalanish samaradorligini oshirish chora-tadbirlari to'g'risida"gi PQ-5-son qarori bilan suv resurslaridan foydalanish samaradorligini oshirish, suvdan foydalanish madaniyatini yuksaltirish orqali aholi ongida shakllangan "suv-tekin" tushunchasidan voz kechish hamda suvni tejaydigan sug'orish texnologiyalarini kengaytirilgan tartibda joriy etishni "Suv yetkazib berish xizmati" davlat muassasalari faoliyatini samarali yo'lga qo'yish va O'zbekiston Respublikasi Vazirlar Mahkamasining 2024-yil 9-fevraldagi 79-sonli qarori ijrosini ta'minlash maqsadida O'zbekiston Respublikasi Qonunining 6 va 24-moddalariga asosan xalq deputatlari Karmana tuman Kengashi,

### QAROR QILADI:

1. O'zbekiston Respublikasi Vazirlar Mahkamasining 2024-yil 9-fevraldagi "Suv yetkazib berish xizmati" davlat muassasalari faoliyatini tashkil etish chora-tadbirlari to'g'risida"gi 79-sonli qaroriga muvofiq quyidagilar:

suv xo'jaligi tashkilotlari tomonidan qishloq xo'jaligi mahsulotlarini ishlab chiqaruvchilarga suv yetkazib berish xizmatlari uchun to'lovlar bekor qilinganligi; suv resurslaridan foydalanganlik uchun soliqlardan O'zbekiston Respublikasi Davlat budgetiga tushgan tushumning 40 foizi suv yetkazib berish xizmatlari faoliyatini moliyalashtirish, ularga tegishli ob'ektlarni saqlash va texnik holatini yaxshilash xarajatlariga yo'naltirilishi;

Karmana tuman hokimligi 2024-yilgi tasdiqlangan mahalliy budget daromadlari va xarajatlarini suv solig'ining prognoz qilingan summasini 40 foizga teng miqdorda oshirish yuzasidan xalq deputatlari Karmana tuman Kengashiga;

suv solig'i tushumi past bo'lgan tumanda suv yetkazib berish xizmatlari xodimlari ish haqi va unga tenglashtirilgan to'lovlarni amalga oshirish uchun yetishmaydigan mablag'larni irrigatsiya bo'limlarini saqlash xarajatlari uchun mahalliy budgetlarda

ajratilgan mablagʻlarni tuman budjetlari oʻrtasida qayta taqsimlash boʻyicha Navoiy viloyat Kengashi va xalq deputatlari tuman Kengashiga taklif kiritish belgilanganligi maʼlumot uchun qabul qilinsin.

2. Xalq deputatlari Navoiy viloyati Kengashining 2023-yil 28-dekabrdagi VI-66-128-5-0-K/23-sonli qaroriga muvofiq, xalq deputatlari Karmana tumani Kengashining 2023-yil 29-dekabrdagi Karmana tumanining 2024-yilgi mahalliy budjetni tasdiqlash toʻgʻrisidagi VI-75-197-5-71-K/23-son qaroriga asosan 3-ilovasi bilan tasdiqlangan 2024-yil uchun budjet daromadlarining mahalliy budjetlar oʻrtasida taqsimlanishi boʻyicha ajratma meʼyorlarida suv resurslaridan foydalanganlik uchun soliq tushumi tuman mahalliy budjeti oʻrtasida teng ulushlarda taqsimlanishi belgilanganligi inobatga olinsin.

3. Xalq deputatlari Karmana tuman Kengashining 2023-yil 29-dekabrdagi VI-75-197-5-71-K/23-sonli qarorining 1-ilovasiga koʻra suv resurslaridan foydalanganlik uchun soliq toʻloviga (qishloq xoʻjaligiga moʻljallangan yerlarni sugʻorish va baliqlarni yetishtirish (oʻstirish) uchun foydalanilgan suv hajmi, shu jumladan, dehqon xoʻjaliklari va qishloq xoʻjaligiga moʻljallangan yerlarga ega boʻlgan jismoniy shaxslar uchun suv resurslaridan foydalanganlik uchun soliq) belgilangan prognoz koʻrsatkichi 40 foizga oshirish taklifi maʼqullanganligi inobatga olinsin.

Bunda, ushbu prognoz koʻrsatkichini oshirilishida qishloq xoʻjaligi korxonalari uchun yil davomida suv yetkazib berish hajmini oshirilishi koʻzda tutilganligi inobatga olinsin.

4. “Suv yetkazib berish xizmati” davlat muassasalari faoliyatini moliyaviy taʼminlash maqsadida suv soligʻining prognoz qilingan summasini 40 foizga oshirilishi hisobiga tuman mahalliy budjetining 2024-yil uchun belgilangan daromadlari va xarajatlari miqdori ilovaga muvofiq maʼqullansin.

5. Karmana tuman Iqtisodiyot va moliya boʻlimi boshligʻi (U.Rustamov), Quyi Zarafshon irrigatsiya tizimlari xavza boshqarmasi Karmana tuman Suv yetkazib berish xizmati DM rahbari (O.Ibroximov), Karmana tuman Gʻaznachilik xizmati boʻlimi boshligʻi (Sh.Aʼzamov) bilan birgalikda qishloq xoʻjaligi korxonalarining suv resurslaridan foydalanganlik uchun soliq toʻlovidan tuman mahalliy budjetiga haqiqatda kelib tushgan mablagʻlarni 40 foizini har oy yakuni boʻyicha belgilangan muddatlarda tegishli hududlar “Suv yetkazib berish xizmati” davlat muassasalarining budjetdan tashqari gʻazna hisobvaragʻiga oʻtkazib borilishini taʼminlasinlar.

6. Karmana tuman Iqtisodiyot va moliya boʻlimi boshligʻi (U.Rustamov), Quyi Zarafshon irrigatsiya tizimlari xavza boshqarmasi Karmana tuman Suv yetkazib berish xizmati DM rahbari (O.Ibroximov), Oʻzbekiston Respublikasi Vazirlar Mahkamasining 2024-yil 9-fevraldagi 79-sonli qarori bilan tasdiqlangan nizom asosida suv yetkazib berish xizmatlari faoliyatini moliyalashtirish, bunda suv soligʻining haqiqatda kelib tushgan tushumlaridan kelib chiqqan holda hamda suv soligʻi tushumi past boʻlgan tuman suv yetkazib berish xizmati xodimlari ish haqi va unga tenglashtirilgan toʻlovlarni amalga oshirish uchun yetishmaydigan mablagʻlarni irrigatsiya boʻlimlarini saqlash xarajatlari uchun mahalliy budjetdan ajratilgan mablagʻlarni tuman budjeti oʻrtasida qayta taqsimlash boʻyicha xarajatlar smetasiga tegishli oʻzgartirishlar kiritib borsin.

7. Karmana tuman soliq inspeksiyasi (OʻShodiyev), Quyi Zarafshon irrigatsiya tizimlari xavza boshqarmasi Karmana tuman Suv yetkazib berish xizmati DM rahbari (O.Ibroximov), tegishli tuman hokimligi bilan birgalikda qishloq xoʻjaligiga moʻljallangan yerlarni sugʻorish va baliqlarni yetishtirish (oʻstirish) uchun foydalanilgan

suv hajmi, shu jumladan, dehqon xo‘jaliklari va qishloq xo‘jaligiga mo‘ljallangan yerlarga ega bo‘lgan jismoniy shaxslar uchun suv resurslaridan foydalanganlik uchun soliq to‘lovlarini belgilangan muddatlarda undurish choralarini ko‘rsinlar.

8. Tuman hokimining birinchi o‘rinbosari (Sh.Zayniyev) Karmana tuman “Suv yetkazib berish xizmati” davlat muassasalariga ajratilgan mablag‘larni maqsadli sarflanishi ustidan tizimli ravishda nazorat o‘rnatsin.

9. Mazkur qaror bajarilishini nazorat qilish xalq deputatlari tuman Kengashining “Mahalliy budget, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo‘yicha” doimiy komissiyasi hamda tuman hokimining биринчи ўринбосари o‘rinbosari Sh.Zayniyev zimmasiga yuklansin.

Sessiyada raislik qiluvchi



SHERMATOVA  
GULNOZA  
ABDUXAKIMOVNA

Xalq deputatlari Karmana tumani Kengashining  
2024-yil 28-iyundagi  
VI-82-81-5-71-K/24 -son qaroriga  
1-ilova

T/r	Tuman mahalliy budjetining daromadlari (ming so‘m)				Tuman mahalliy budjetining xarajatlari (ming so‘m)	
	Daromad turlari	Yil boshida belgilangan prognoz	VM-79-son qarorga asosan oshirilgan prognoz miqdori (40 foiz)	2024-yil uchun aniqlashtirilgan prognoz	Hududiy budjet mablag‘i taqsimlovchisi nomi	Karmana tuman “Suv yetkazib berish xizmati” davlat muassasasi faoliyatini moliyalashtirish xarajatlari
1	Suv resurslaridan foydalanganlik uchun soliq	3 691 800,0	2 461 200,0	6 153 000,0	Quyi Zarafshon irrigatsiya tizimlari xavza boshqarmasi Karmana tuman Suv yetkazib berish xizmati DM	2 461 200,0

**“Suv yetkazib berish xizmati” davlat muassasalari faoliyatini moliyaviy ta’minlash maqsadida suv solig‘ining prognoz qilingan summasini 40 foizga oshirilishi hisobiga tuman mahalliy budjetining 2024-yil uchun belgilangan daromadlari va xarajatlari miqdori**